

KOERSVAS

Jaargang 6 Uitgawe 126 8 Desember 2017

In hierdie uitgawe:

Redaksioneel

Berigte en Kennisgewings



REDAKSIONEEL

Trouseisoen

Op 'n Saterdagmiddag word die paaie oorgeneem deur die konvooietroukarre. Met ballonne en lint opgemaak, hoofligte aangeskakel en toeters wat nie met rus gelaat word nie, word bruide en geleide in snelle stoete na en van troulokale vervoer. Die opgewondenheid van troukoors pak almal op die pad beet en almal waai, blaas toeter en lag saam.

Sonder die nodige navorsing om dit te bevestig, lyk dit tog asof die meeste getroude pare se huweliksherdenking iewers in laat November of vroeg Desember is. Dit is die seisoen om te trou. Die *venues* wat so duur is en tog vol bespreek is, maak dit duidelik dat dit tog lyk of meer mense nou trou as in ander seisoene van die jaar. So terloops, dit is opvallend hoe min mense nog tradisioneel in kerke trou. Talle egpare trou in *venues*, maar darem is dit steeds die dominee wat die huwelik bevestig, maar ook nie oral nie.

Troues van alle soorte word gereël, met as gemene delers die baie geld wat uitgegee moet word. Elke bruid het 'n eie kleurskema wat aandagtig in die tema ingewerk word, van die geleide wat dieselfde kleur en ontwerpers rok dra, tot die linte wat die dak

versier. Die bruidegom en sy makkers het 'n eie uniform wat ten opsigte van kleur en tema moet inval by die groter prentjie. Elke paartjie strewer daarna om 'n eie unieke bruilof te vier. En tog is daar altyd onbeplande insidente en ervarings, flaters. Daar is die statige huwelik wat deur die opstêrsers beplan word. Manelpakke, 'n troue in die stadsaal met formele etes en formele drag deur gaste is dan ononderhandelbaar. Al moet daar maande en jare gespaar word, alles moet net reg gedoen word. Alles gereël, het die bruid dan onder geleide van die verkeersafdeling met groot fanfare haar langverwagte opwagting gemaak. Die befaamde orrelis het homself reggeskuif om die stadsaal saam met trompetgeskal almal te beïndruk met die triomf klanke van die troumars. Toe kom die kragonderbreking wat eers die Maandag herstel sou word. Alles was so mooi beplan, maar in daardie tyd was kragopwekkers skaars en oorbodig. Gelukkig was daar darem die filharmoniese orkes se trompetspeler wat sy blaas kon bly blaas. Die kragonderbreking kom toe na die eerste drie note van die troumars. Die dominee het gelukkig 'n harde stem gehad. Niemand het bruid of bruidegom se "ja" gehoor nie. Die toesprake, so netjies beplan, (was saam met die tradisioneel geklede bruidegom se

woorde) min ore beskore. Sonder krag was die kos koel, besig om koud te word. Dit was nogtans 'n uithaler geleentheid en almal het nog die aandenkings wat met sorg gekies is. Die bruidspaar vier darem nog elke jaar 'n volgende herdenking.

Aan die ander kant van die spoor word daar net so deeglik beplan vir die pragtige dag. Dit sou 'n intieme sitkamer troue wees met net veertig genooidede gaste. Die tema vir die troue was "blou". Die persoon wat beplan en versier het, het van Ermelo se wêreld gekom, niks verstaan van die drukkende humiditeit van Durban nie. Die manne se strikdassies en gordels is gemaak van donkerblou *crepe* papier. Met die hitte en benoudheid saam het bruidegom en strooijonkers ongemaklik gesweet en die blou kleursel het in gelyke maat teen die bors afgeloop en van onder teen die maag opgekruip. Op 'n wit hemp is dit beslis skouspelagtig (blouspelagtig?)

lewers in die middel was die troue met 'n onthaal in die skoolsaal. Alles was pragtig versier en rose en roostakke het die atmosfeer romanties omtower. Min mense het geweet waarom die bruid so kiertsregop bly sit deur al die verrigtinge. Die raaisel is opgelos toe syself daarop gewys het dat roostakke dorings het en dat sy nie teen die roosdorings wou rus nie.

Gaan praat maar met jou predikant, daar is 'n ryke skatkis van staaltjies oor die bruilof-insidente. Die meeste getroudes kan met heimwee vertel van hulle eie *trougremlins*. In die tussentyd kan ons tydens hierdie troueseisoen met so 'n skewe glimlag wuif en lag.

Kon dit maar net wees dat mense voortgaan met die huwelik soos hulle deurgedruk het tydens die bruilof. Terwyl jy so lag vir die bruidegom se lawwe streke die dag voor die

troue, wens hom volharding toe in sy lewe. Lag saam met die bruid, troos haar wanneer sy 'n traantjie pik, maar moedig haar aan om net in die huwelik 'n traan te pik. Waai vir die bruilof stoet met ballon versierde karre en bid die bruidspaar 'n goeie bruilof en 'n lang huwelik toe. Bid dat die troues huwelike sal lewer. Dat die troueseisoen 'n vrug van goeie gesinne sal lewer, dat daar nie 'n barre seisoen van egskeidings sal wees nie.

BERIGTE EN KENNISGEWINGS

OORNAG FASILITEITE

Villa Stoney B+B

Oornag in die rustigheid van die Bosveld !
Slegs 5km van die Zambezi Tolhek
- naby hospitaal en besighede-
Langtermyn akkommodasie ook beskikbaar
in gemeubileerde kamers
Etes en wasgoed op afspraak
Ontbyt of kospakkies is altyd ingesluit by
Villa Stoney
Kontak Ina Steenkamp vir navrae en
besprekings 0829082831
auri@mweb.co.za.

LEWENSbroOD 2018

Lidmate moet kennis neem dat Lewensbrood 2018 gedruk en reeds aan die meeste gemeentes versend is. Indien u enige probleme ondervind kan u gerus met ons skakel om u te help. Daar is enkele ekstra kopië beskikbaar vir diegene wat dalk intussen deel van die GHG geword het.

KERSBOODSKAP

Premiermyn Hervormde Kerk wens almal 'n volkseie Gelofte dag en 'n geseënde Kersfees toe.

Die Redaksie hoop dat u 'n goeie rustyd sal geniet. Mag u met toewyding Gelofte dag

herdenk, geseënd saam met geliefdes Kersfees vier en 'n goeie begin in 2018 ervaar.

GELOFTEDAG 2018

Lesers moet kennis neem van die volgende plekke waar daar geloftefees geleentede gaan wees.

https://gallery.mailchimp.com/23ce74e57f4865fc93811627a/files/ac6ce785-cc3b-4d81-b660-e05e29532168/Geloftefeeste_2017_3.pdf

GELOOFBONDPREKE

Hierdie berig is nou van groot belang: Die vakansie is hier en daar is nie altyd kerke in die omgewing waarin ons mense gaan rus nie. Maak seker u bly op hoogte van die nuutste preke en gesprekke. Daar is elke Sondag nuwe Geloofsbondpreke op ons webwerf op die internet beskikbaar. Gaan na <http://www.geloofsbond.org.za/>

Daar is ook preke op **whatsapp** beskikbaar. Dit sluit in ds Hardie se preek tydens die GHG-opening. Kontak Ella Joubert by 082 564 1915 en sy sal u onmiddellik by die **preek-whatsapp groep** voeg.

GELOOFBONDKWILT 3 (2018)

Lootjie vorms is beskikbaar

Kontak Ansie Steyn van Oostelike Pietersburg by 083 630 1107 vir u gemeente se lootjie vorms.

MAKWASBYEENKOMS

Alle emeriti, hul gades en predikante word uitgenooi na die jaarlikse Makwasbyeenkoms te Premiermyn Hervormde kerk, Cullinan. Om winterkoue te voorkom, is die jaarlikse instelling se datum verskuif na DV Vrydag 23 Februarie 2018. Maak seker dat u die datum op u gemeente-kalender aanteken. Ons sien uit daarna om u hier te sien. Alle insette is welkom. Kontak Yvette Otto per e-pos by zyvette@gmail.com.

DRUKWERK

Paul en Ella help graag met:

- Kalender
- Kwitansieboeke
- Offergawe boeke
- Dames Kwitansieboeke
- Konsistorie boeke
- Reklame plakkate en ander drukwerk

ella@teamworkprinters.com